



Broj:
Sarajevo, __.__.2018. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 - prečišćeni tekst), Gradsko vijeće Grada Sarajeva, na 21. sjednici održanoj 28.11.2018. godine, primilo je k znanju

Informaciju o organizacionim pripremama za EYOF 2019 za oktobar 2018. godine.

PREDSJEDAVAJUĆI GRADSKOG VIJEĆA

Igor dr. Gavrić

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

Informacija
o organizacionim pripremama za EYOF 2019
za oktobar 2018. godine

Predlagač: Gradonačelnik

Obradivač: JP, „EYOF 2019“ d.o.o.

Sarajevo, novembar 2018. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

Na temelju usvojenog Plana rada za 2018. godinu, „EYOF 2019“ d.o.o., u mjesecu oktobru 2018. godine obavio je slijedeće aktivnosti od značaja za pripreme i realizaciju Evropskog omladinskog olimpijskog festivala 2019 Sarajevo i Istočno Sarajevo.

01.10.2018. godine – Održan je radni sastanak u prostorijama OK BiH. Sastanku su prisustvovali Izet Rađo i Marjan Kvesić, potpredsjednici OK BiH, Said Fazlagić, generalni sekretar OK BiH, gradonačelnik grada Sarajevo, Abdulah Skaka, gradonačelnik grada Istočno Sarajevo Nenad Vuković, direktor „EYOF 2019“ d.o.o., Senahid Godinjak, predsjednik Skupštine društva „EYOF 2019“ d.o.o., Elvir Hadžiahmetović.

02.10.2018. godine – Održan je sastanak u Kantonu Sarajevo kojem su prisustvovali Premijer Kantona Sarajevo, gradonačelnik Grada Sarajevo, ministar finansija Kantona Sarajevo, ministar kulture i sporta, te direktor „EYOF 2019“ d.o.o. Tema sastanka bila je iznalaženje načina prebacivanja ostalih finansijskih sredstava u iznosu od 700.000,00 KM prema firmi „EYOF 2019“ d.o.o.

Istog dana, u hotelu „Termag“ održan je sastanak sektora protokola, marketinga i ceremonija vezano za pripremu i organizaciju Seminara šefova misija.

U prostorijama OK BiH, održan je sastanak sa pokrajinskim sekretarom Vojvodine, prof.dr. Zoranom Milošević. Tema sastanka bila je promocija projekta EYOF 2019 na Univerzitetu u Novom Sadu, kao i potpisivanje Protokola o saradnji. Ovaj Univerzitet ima namjeru da pošalje 50 volontera na EYOF 2019.

08.10.2018. godine – Poslat je Izvještaj o radu za mjesec septembar (akt br: 03-392-10/18- Grad Sarajevo) i (akt br: 03-393-10/18 – Grad Istočno Sarajevo).

09. – 11.10.2018.godine – U Sarajevu održan je seminar za mlade promotere volonterskog programa EYOF 2019. Zahvaljujući podršci Francuske ambasade u BiH i ambasadoru Guillaume Rousson, otvoren je poziv za 20 mladih iz cijele BiH da postanu promoteri volonterskog programa EYOF 2019. Seminar je otvoren u sklopu treće godišnjice platforme Hocu.ba, uz pozdravne govore njegove Ekselencije Ambasadora Republike Francuske Guillaume Rousson i direktora EYOF 2019 Senahida Godinjaka. Seminar je naredna 2 dana nastavljen u prostorijama Olimpijskog muzeja.

10.10.2018.godine – Održana je 13. sjednica Izvršnog komiteta, glavna tačka dnevnog reda bila je statusno pitanje članova Izvršnog komiteta EYOFa 2019, te Seminara Tehničkih delegata i Seminar šefova misija.

11.10.2018.godine – Dobili smo informaciju od Evropskog olimpijskog komiteta da je gđa Andreja Leskovšek McQuarrie imenovana za specijalnog savjetnika predsjednika EOK-a.

Na ovom položaju ona je odgovorna za donošenje odluka u ime EOK-a u vezi događaja EYOF 2019 Sarajevo i Istočno Sarajevo.

Istog dana, dostavljen je aneks Memoranduma o realizaciji EYOF 2019 čiji su potpisnici Ministarstvo civilnih poslova i Gradovi domaćini. Ovaj aneks će olakšati proceduralni dio realizacije planiranih finansijskih sredstava.

Takođe, istog dana održana je 19.redovna sjednica Skupštine društva “EYOF 2019” d.o.o. Na sjednici su usvojeni godišnji izvještaji (finansijski i izvještaj o radu), Izvještaj nezavisnog revizora o pregledu

finansijskih izvještaja za 2017.godinu, te neophodne odluke za sprovođenje postupaka javnih nabavki koje su vezane za Seminar Šefova misija.

18.10.2018. godine – Poslat je finansijski izvještaj za mjesec avgust (akt br: 03-408-10/18- Grad Sarajevo) i (akt br: 03-409-10/18 – Grad Istočno Sarajevo).

20.10.2018. godine – Svi sektori unutar Izvršnog komiteta EYOF 2019 održali su radne sastanke sa gđom Andrejom Leskovšek McQuarrie, na kojima su prezentovani operativni planovi sektora koji će biti prezentovani na Seminaru Šefova misija.

21. – 23.10.2018. godine – Upriličena je posjeta COCOM u sastavu g. Jozef Liba, g. Peter Bruhl i g. Florin Misca, Andreje McQuarrie, te ispred EOC-a g. Steve Scott i g. Francesco Paolo Basili. Tema sastanka su bile trenutno stanje projekta, otvorena pitanja, te TD i CdM semianr.

24.-26.10.2018. godine – EYOF 2019 učestvovao je na Sarajevskom sajmu turizma zajedno sa Gradom Sarajevo. Posjetiocima je predstavljen projekat EYOF 2019, kao i drugi projekti grada Sarajevo.

25.10.2018. godine – Radni sastanak u OK BiH kojem su prisustvovali predstavnici gradova Sarajevo i Istočno Sarajevo, OK BiH i EYOF 2019. Tema sastanka bila je trenutno stanje na projektu i predstojeće aktivnosti.

26.10.2018. godine – Marketing tim EYOF 2019 održao je sastanak sa direktorom hotela „Novotel“, Draganom Jakić. Na sastanku je predstavljen sponzorski paket EYOF-a 2019 i razgovarano je o potencijalnoj saradnji na ovom polju.

Istog dana, održan je sastanak sa direktorom OŠ „Grbavica I“ na temu uključivanja ove škole na projektu EYOF 2019. Dogovoreno je da će učenici ove škole praviti likovne radove na temu EYOF 2019, koji će biti izloženi tokom samog događaja.

29.10.2018. godine – Dostavljen je tekst i fotografije uredniku časopisa „Hello“ koji će biti prezentovan u sklopu OC „Jahorina“, a štampaće se u tiražu od 3000 primjeraka.

30.10.2018. godine – Održan je radni sastanak sa menadžmentom Fakulteta za sport i tjelesni odgoj Univerziteta u Sarajevu. Tema sastanka bila je učešće ovog fakulteta na projektu EYOF 2019.

31.10. 2018. godine – Direktor je prisustvovao sjednici Gradskog vijeća na kojoj je jedna od tačaka dnevnog reda bila i Informacija o preduzetim aktivnostima i toku priprema za održavanje EYOF 2019 za period april-septembar 2018. godine.

Istog dana, održan je sastanak proširenog Kolegija Kantona Sarajevo, kojem su prisustvovali ministri Vlade Kantona Sarajevo, članovi gradske uprave Grada Sarajevo i direktor EYOF 2019. Tema sastanka bila je aktivnosti na organizaciji Ceremonije otvaranja.

Takođe, potpisan je Ugovor o sponzorstvu između: A.C.I. Sarajevo, „Market auto“ d.o.o. Laktaši i „EYOF 2019“ d.o.o. Ovim ugovorom ozvaničena je saradnja sa prvim Diamond sponzorom EYOF 2019. Ispred Sarajevo City Centre-a upriličeno je cjelodnevno druženje i promocija volonterizma na EYOF 2019.

- Ugovor o pregledu finansijskih izvještaja za 2018. godinu (“EYOF 2019” d.o.o. i Društvo za reviziju i poresko savjetovanje "ADITON" d.o.o., Banja Luka)
- Ugovor o nabavci – ostali elektroinstalaterski radovi → Direktni sporazum (“EYOF 2019” d.o.o. i “TERMOTELING” d.o.o. Hadžići)
- Komisija za javne nabavke sprovela postupak Otvaranja ponuda za nabavku usluge štampanja putem konkurentskog zahtjeva za dostavu ponuda → Donesena Odluka o izboru najpovoljnijeg ponuđača za nabavku usluga štampanja: “SP GAMA PRINT&DESIGN” d.o.o. Istočno Sarajevo
- Komisija za javne nabavke sprovela postupak Otvaranja ponuda za nabavku posebna radna odijela (maskote) putem konkurentskog zahtjeva za dostavu ponuda→ Donesena Odluka o izboru najpovoljnijeg ponuđača za nabavku - posebna radna odijela: “VISIA” d.o.o. Istočno Sarajevo
- Komisija za javne nabavke sprovela postupak Otvaranja ponuda za nabavku Usluge iz Aneksa II Dio B (hotelske usluge za sastanke i konferencije) putem Poziva za dostavu ponuda → Postupak je u fazi realizacije
- Komisija za javne nabavke sprovela postupak Otvaranja ponuda za nabavku darovi i priznanja putem konkurentskog zahtjeva za dostavu ponuda → Direktor donio Odluku o izboru najpovoljnijeg ponuđača za nabavku darovi I priznanja: “R&S” d.o.o. Sarajevo
- Poslati predračuni za Seminar šefova misija – CdM
- Poslati predračuni za participaciju EYOF 2019